




ՈՒՆՏԻ ԱՆԴՐԱՆԻԿ ԶԱՐՈԶ

Նվիրական այս պահում գոհություն և փառք եմ մատուցում Ամենակալին Աստուծո, որ զիս ևս արժանացրեց քահանայական բարձր և պատասխանատու կոչմանը, ի սպասավորություն մեր ժողովրդի Միաճնա՛ջ այս սրբազնատուրք խորանի վրա, իմ քառասունքից և պահեցողությունից հետո, որպես ի վերուստ ընծայված առիթ:

Այսօր ուխտի անդրանիկ իմ պատարագս եմ մատուցում Հավիտենականին՝ բնաբան ունենալով սաղմոսերգուի հետևյալ գեղեցիկ խոսքերը. «Ի Բեզ, Տեր, յուսացայ զի մի ամաչեցից յաիտեան»: Տեր, իմ հույսը Քու վրադ դրի, որպեսզի հավիտյան ամոթով չմնամ իմ հոգևոր ծառայության այս դժվարին ճամփուն վրա:

Այս սրբազան պահում, երբ Տերը իմ շրթունքները բաց է անում, իմ առաջին աղոթքը ուղղված պիտի լինի տիեզերքը արարող Աստուծո, որ ինձ նախ կյանք շնոր-

հեց ապրելու Իրմով և Իրեն համար: Եվ երբ դեռ մանուկ էի, իմ ձեռքից բռնած քայլերս ուղղեց դեպի Մայր Աթոռ ս. Էջմիածին և մայր հայրենիք՝ դաստիարակվելու, աճելու և իմ կյանքը անմնացորդ նվիրելու հայ եկեղեցու սուրբ գործին և հայ ժողովրդի քրիստոնեական և հայեցի դաստիարակությանը:

Իմ շնորհակալության և որդիական երախտագիտության երկրորդ խոսքը կուղղվի այս փառավոր և դարավոր Հաստատության ազգընտիր Հայրապետին՝ Նորին Սուրբ Օծություն Ս. Տ. Վազգեն Ա կաթողիկոսին Ամենայն Հայոց, որ տարիներ առաջ, երբ դեռ անվարժ պատանի էի, ընդունեց զիս հոգևոր ճեմարանի հարկի տակ՝ դաստիարակվելու, և ջանք չխնայեց բաշխելու անհատնում Իր գուրգուրանքն ու հայրական սերը, Իր անմիջական նայվածքի ներքո դառնալու համար համեստ միաբանը այս սուրբ Հաստատության և սպասավորը Հայաստանյայց եկեղեցվո: «Որդի հարազատ զմեանությիւն Հօրն բերե»:

«Ի Բեզ, Տեր, յուսացայ զի մի ամաչեցից յաիտեան»:

Վեհափառ Տեր, Աստուծոց հետո հույսս դրի նաև Ձեր հայրական խոսքերում և խրատներում վրա: Ձերդ Սրբությունն է եղել ինձ համար իմ ուսումնառության տարիներին մտատիպարը, որում աշխատել և աշխատում եմ նվազագույն չափով մնանվել իմ կյանքով ու գործունեությամբ:

Ձեր շնչի ներքո հոգևոր ճեմարանի այս ներշնչող մթնոլորտում ստացա իմ հոգևոր, մտավոր, կրոնական-հայրենասիրական դաստիարակությունը և քառասուն օրեր ա-

* «Էջմիածին» ամսագրի ընթերցողների ուշադրությանն ենք ներկայացնում Մայր Աթոռի երիտասարդ միաբան տ. Մյուռն աթո. Գրվղզյանի ուխտի անդրանիկ քարոզը, որը արտասանել է նա քահանայական իր առաջին պատարագին Մայր տաճարում, փետրվարի 14-ին, Վեհափառ Հայրապետի ներկայությամբ:

Վեհափառ Հայրապետի քարեհաճ կարգադրությամբ և հուննու Այրեսի ազգային Կենտրոնական վարչության հրավերով, տ. Մյուռն արեղան պաշտոնավարելու է հուննու Այրեսի հայոց ս. Գրիգոր Լուսավորիչ եկեղեցում, որպես հոգևոր հովիվ:

Տ. Մյուռն արեղային մաղթում ենք հաջողություն իր առաջին եկեղեցական-հասարակական գործունեության մեջ:

նաջ Ձերդ Վեհափառության բարեհաճ արտոնությամբ և կոչման գիտակցությամբ և իմ ազատ կամքով ու սրտիս թելադրանքով կրեցի Քրիստոսի քաղցր լուծը, որ կանչն է նաև մեր եկեղեցու սուրբ հայրերի, կանչը՝ հայ հավատացյալ ժողովրդի:

Վեհափառ Տեր, հավատով և լավատեսությամբ առ լի, Աստուծո օգնականությամբ և Ձեր օրհնությամբ ձեռքս դնում եմ մեր եկեղեցու և ժողովրդի ծառայության մանհի վրա՝ բոլորակեր իմ սպասավորությունը բերելու մեր ժողովրդի հոգևոր կարիքներին:

Որքան ծանր ու պատասխանատու է հոգևորական ծառայությունը, նույնքան անուշ է ու սրտագին այդ պարտականության լուծը:

Հայ հոգևորականի պարտականությունը Ձեր օրհնակով և Ձեր դաստիարակության շնորհիվ, Մայր Աթոռիս երիտասարդ միաբաններին առաջին հերթին ներշնչում է ծառայության և սպասավորության ոգին և սեր՝ հանդեպ հայ եկեղեցին, հայ ժողովուրդին ու հայ դպրությունը՝ ի դաստիարակություն մեր հավատացյալ ժողովրդի և մանավանդ հայ նոր սերունդների քրիստոնեական ու հայեցի նկարագրի կազմավորման:

Մեր ժողովրդին մատուցած հոգևոր դաստիարակչական այս գործունեության նույնքան կարևոր երկրորդ երեսը մեր ազգային-հայրենասիրական ծառայությունն է մեր ժողովրդին ու հայրենիքին:

Ծակատագրի դժբախտ բերումով դեռևս մեր ժողովուրդը բաժնված է երկու հատվածի: Նրա բախտավոր մի մասը ապրում է իր պապենական, սեփական հողին վրա իր վերածնված հայրենիքի խաղաղ ու ապահով պայմաններում և կերտում է իր պաշտոնապաշտ և սրտով և կրքով ապրում: Նույն մեր ժողովրդի երկրորդ կարևոր հատվածը ցրված է աշխարհով մեկ. մեծ մասամբ համախմբված հայ եկեղեցիների, վարժարանների, մշակութային և քարտեհական կազմակերպությունների շուրջ և հերոսական պայքար է մղում, հալ մնալու, հայ ապրելու համար, Էջմիածնի և Արա Գահակալի օրհնությամբ, ոգի և շունչ ստանալով միաժամանակ մեր սիրելի մայր հայրենիքից:

Մենք, որ եկել ենք սիյուրքից, ուսանելու-դաստիարակվելու Մայր Աթոռ ու Էջմիածնի այս ներշնչող հարկի տակ, գիտակցում ենք խորապես, որ սիյուրքում ապրելու համար արևի և ջրի չափ կարիք ունենք Էջ-

միածնի հոգևոր առաջնորդության և մայր հայրենիքի քարոշական աջակցության:

Մենք այդ ոգով դաստիարակվեցինք և այդ նույն ոգին պարտավոր ենք տանել արտասահման, ո՛ր որ էլ Ձերդ Սրբությունը մեզ ողարկի, այն ներշնչելու համար հայության, մանավանդ հայ երիտասարդ սերունդին: Մենք այդ պատգամը պիտի տանենք մեզ հետ, և ուխտապահ Էջմիածնասիրությունն ու ճշմարիտ հայրենասիրությունը պիտի լինեն մեր գործունեության երկու հզոր սյուները:

Խոստովանիմք և հավատամք այդ առաքելության: Երդվում ենք, որ աշխարհի վրա չկա ոչ մի ուժ, որը կարենա մեզ տկարացնել մեր կրոնական, հայրենասիրական ապրումների, մեր համոզումների մեջ դեպի Մայր Աթոռ ու Էջմիածինն ու իր արժանաբեր Գահակալը և մայր հայրենիքը:

Վեհափառ Տեր, քաջ ծանոթ ենք նաև մեր հոգևոր կոչման դժվարություններին, արդի կյանքի քարդ պայմաններում: Փշոտ է՝ ճանապարհը. «Ընթանալ. ամենեքին ընթանան, քայց մի ոք առնու զյաղթութեանն» (Ա. Կորնթ. Թ 24):

Վեհափառ Տեր, օրհնեցեք մեզ: Խոստանում եմ բնավ ետ չնայել: Չեմ վհատվելու և իմ մեջ վարանումներ չկան իմ գործի նկատմամբ: Աստուծո գործին զինվորագրվողը պետք է որ լինի քաջ, համոզված և ինքնավստահ, իսկ վատասիրտներն ու տատանվողները, ըստ սուրբ Գրոց վկայության, թող ետ վերադառնան ու չխանգարեն մեր զորքը, որը հիմնված է Ավետարանի պատգամների վրա՝ հօգուտ ժողովրդյան և եկեղեցու:

Վեհափառ Տեր, ընդունեցեք շնորհակալ սրտիս երախտագետ զգացումները, և թող որ ամենակարողն Աստված պարգևե Ձեզ երկար և երկար երջանկությամբ և ուրախություններով լեցուն տարիներ: Թող Ձեր նախաձեռնում ու շունչը անպակաս լինի մեր վրայից: Վստահ եղեք, որ առիթը չեմ տալու Ձեզ տխրելու և մանավանդ չեմ դավաճանելու այն դաստիարակության, այն ոգուն, որ տվավ ինձ Մայր Աթոռ ու Էջմիածինն ու մայր հայրենիքը:

«Ի Քեզ, Տեր, յուսացալ զի մի ամաչեցից յախտեան», այն վստահ հույսով, որ Աստված մեզ հովանի ու ապավեն է լինելու:

Սիրելի ժողովուրդ, եկեք միասին ու միատեղ փառաբանենք Իր ամենասուրբ անունը, Որդվույն և ս. Հոգիին հետ, այժմ և միշտ և հավիտյանս հավիտենից: Ամեն: